

Հաստատված է՝ _____

Հայկական բժշկական ինստիտուտի

գիտական խորհրդի 2017 թվականի

օգոստոսի 29-ի նիստում

ռեկտոր Մոնշեղ Ասատրյան

(ստորագրություն)



ԿԱՆՈՆԱԿԱՐԳ

ՀԱՅԿԱԿԱՆ ԲԺՇԿԱԿԱՆ ԻՆՍՏԻՏՈՒՏԻ

ՈՒՍԱՆՈՂԱԿԱՆ ՆՊԱՍՏՆԵՐԻ ՀԱՏԿԱՑՄԱՆ ՄԱՍԻՆ

(վերահաստատված)

Հաստատված է՝ _____

Հայկական բժշկական ինստիտուտի

գիտական խորհրդի 2017 թվականի

օգոստոսի 29-ի նիստում

ռեկտոր Մոնթել Ասատրաբյան

(ստորագրություն)



Կանոնակարգ

Հայկական բժշկական ինստիտուտի ուսանողական նպաստների հատկացման մասին

1. Հայկական բժշկական ինստիտուտի (Այսուհետ՝ Բուհ-ի) ուսանողական նպաստների, պետական և ներբուհական կրթաթոշակների հատկացման կանոնակարգը (այսուհետ՝ կանոնակարգ) սահմանում է Բուհ-ում ուսման վարձավճարի լրիվ կամ մասնակի փոխհատուցման ձևով ուսանողական նպաստների հատկացման, պետական և ներբուհական կրթաթոշակների տրամադրման կարգը և պայմանները:

2. Սույն կանոնակարգի իրավական հիմքերն են «Բարձրագույն և հետբուհական մասնագիտական կրթության մասին» և «Կրթության մասին» Հայաստանի Հանրապետության օրենքները, Հայաստանի Հանրապետության կառավարության 2006թ. հուլիսի 27-ի թիվ 1183-Ն որոշումը, ՀԲԻ-ի կանոնադրությունը և այլ իրավական ակտերը:

3. Սույն կանոնակարգի դրույթները գործում են բակալավրի, մագիստրոսի և որակավորված մասնագետ կրթական ծրագրերով, առկա ուսումնառության համակարգում սովորող ուսանողների համար:

4. Ուսանողական նպաստը լրիվ կամ մասնակի փոխհատուցում է ուսանողի ուսման վարձավճարը Հայաստանի Հանրապետության պետական բյուջեի ծախսային մասում նախատեսված միջոցների, Բուհ-ի ֆինանսական միջոցների, ինչպես նաև Հայաստանի Հանրապետության օրենսդրությամբ չարգելված այլ աղբյուրների հաշվին:

5. ՀԲԻ-ի կողմից ուսանողական նպաստի ձևով, ուսման վարձավճարի լրիվ փոխհատուցում տրամադրվում է՝ միասնական քննությունների վերջնական արդյունքներով 2 առարկաներից յուրաքանչյուրից 32 և ավել միավոր ստացած դիմորդներին, եթե վերջիններս ուսման բարձր առաջադիմությունը պահպանում են մինչև ուսման ավարտը:

6. ՀԲԻ-ի կողմից ուսանողական նպաստի ձևով, ամբողջ ուսման տարիների ուսման վարձավճարի լրիվ փոխհատուցում տրամադրվում է՝ զոհված ազատամարտիկների երեխաներին:

7. ՀԲԻ-ն, վճարովի համակարգում սովորող ուսանողական համակազմի առնվազն տասը տոկոսին՝ ուսանողների վարձավճարներից գոյացած բյուջեի առնվազն յոթ տոկոսի չափով, իր միջոցների հաշվին՝ հիմք ընդունելով բարձր առաջադիմությունը և սոցիալական խումբը, իրականացնում է ուսանողական նպաստի ձևով ուսման վարձի մասնակի փոխհատուցում հետևյալ կարգավիճակ ունեցող ուսանողներին:

7.1 սոցիալապես անապահով (ընտանիքների ապահովության սահմանային միավորից բարձր միավոր ունեցող ընտանիքների) ուսանողներին՝ առնվազն 30 տոկոս:

7.2 18 տարին լրանալուց հետո առանց ծնողական խնամքի մնացած ուսանողներին մինչև 23 տարին լրանալը՝ առնվազն 50 տոկոս:

7.3 23 տարին չլրացած միակողմանի ծնողազուրկ (միածնող) ուսանողներին՝ առնվազն 50 տոկոս:

7.4 Մինչև մեկ տարեկան երեխա ունեցող ուսանողներին՝ առնվազն 50 տոկոս:

7.5 Երեք և ավելի անչափահաս, կամ երեք և ավելի ուսանող երեխա ունեցող ընտանիքների ուսանողներին՝ առնվազն 30 տոկոս:

7.6 1-ին կամ 2-րդ խմբի հաշմանդամ, ինչպես նաև հաշմանդամ ազատամարտիկ ծնող ունեցող ուսանողներին՝ առնվազն 50 տոկոս:

7.7 Մարտական հերթապահություն իրականացնող զորամասերում մարտական հերթապահության մեջ ընդգրկված պարտադիր ժամկետային զինվորական ծառայություն անցած ուսանողներին (համապատասխան փաստաթղթի ներկայացման դեպքում)՝ առնվազն 30 տոկոս:

7.8 Մարտական գործողությունների մասնակիցների (ազատամարտիկների) երեխա ուսանողներին (համապատասխան փաստաթղթերի ներկայացման դեպքում) առնվազն 30 %:

7.9 2016 թ. ապրիլյան քառօրյա պատերազմի մասնակից ուսանողներին՝ զինվորական գրքույկում համապատասխան նշման առկայության պարագայում, անկախ ՄՈԳ-ի սահմանված շեմից՝ առնվազն 50 տոկոս:

7.10 Սոցիալապես անապահով (ընտանիքների ապահովության գնահատման համակարգում հաշվառված, անապահովության 0 միավորից բարձր միավոր ունեցող ընտանիքների) ուսանողներին՝ առնվազն 20 տոկոս:

7.11 Սահմանամերձ կամ բարձր լեռնային բնակավայրերի ուսանողներին՝ առնվազն 20 տոկոս:

7.12 Ուսանողական նպաստների համակարգում չընդգրկված, երկու կիսամյակ անընդմեջ առավել բարձր առաջադիմություն ցուցաբերած ուսանողներին, որոնք ուսանողական նպաստի ձևով ուսման վարձավճարի լրիվ փոխհատուցման համար անցկացված փոխատեղման մրցույթի արդյունքում զրկվել են նպաստի իրավունքից մինչև 0.1 միավոր տարբերության պատճառով, առնվազն 50 տոկոս:

7.13 Բուհ-ի համակազմում հիմնական աշխատանքային պայմանագրով աշխատողների երեխաներին 50 տոկոսի չափով

7.14 Բուհ-ի համակազմում ժամավճարային աշխատանքային պայմանագրով աշխատողների երեխաներին՝ 50 տոկոսի չափով:

7.15 Նույն ընտանիքից 2 երեխա-ուսանողների համար 15 տոկոսի չափով՝ յուրաքանչյուրին,

7.16 ՀԲԻ-ի շրջանավարտների երեխաներին 15 տոկոսի չափով:

8. Ուսանողական նպաստի ձևով ուսման վարձի մասնակի փոխհատուցումից ուսանողը կարող է օգտվել ՀԲԻ-ի կողմից բակալավրի, մագիստրոսի և որակավորված մասնագետի համար սահմանված միջին որակական գնահատականի (ՄՈԳ) շեմը հաղթահարելու դեպքում:

Առաջին կուրսի ուսանողները ուսման վճարի մասնակի փոխհատուցման իրավունքից կարող են օգտվել միայն ուսումնառության երկրորդ կիսամյակից սկսած:

9. Երկու և ավելի կարգավիճակների համապատասխանող կամ մի քանի արտոնություններին հավակնելու դեպքում ուսանողը կարող է օգտվել դրանցից միայն մեկից, որի դեպքում կիրառվում է մասնակի փոխհատուցման առավելագույն չափը:

10. Ուսանողական նպաստի ձևով ուսման վարձավճարի մասնակի փոխհատուցումից ուսանողը կարող է օգտվել սահմանված միջին որակական գնահատականի (ՄՈԳ) շեմը հաղթահարելու դեպքում: Անհարգելի պատճառներով (անբավարար գնահատական (չստուգված) ստանալու կամ անհարգելի պատճառով քննությանը (ստուգարքին) չներկայանալու դեպքերում) ակադեմիական պարտքերի մարման

շրջանում քննություններ (ստուգարքներ) հանձնած ուսանողները ուսման վարձավճարի մասնակի փոխհատուցման իրավունքից չեն օգտվում:

11. Յուրաքանչյուր ուսումնական կիսամյակի համար միջին որակական գնահատականի (ՄՈԳ) շեմը սահմանվում է Բուհ-ի ռեկտորի հրամանով:

12. Մագիստրատուրայի առկա ուսումնառության համակարգերում սովորող առաջին կուրսի ուսանողները, ուսման վարձավճարի մասնակի փոխհատուցման իրավունքից կարող են օգտվել միայն ուսումնառության երկրորդ կիսամյակից, բացառությամբ սույն կանոնակարգի 7.13-րդ և 7.14 կետով սահմանված կարգավիճակ ունեցող ուսանողների, ովքեր ուսման վարձավճարի մասնակի փոխհատուցման իրավունքից կարող են օգտվել ուսումնառության առաջին կիսամյակից:

13. Սույն կանոնակարգի 5-րդ, 6-րդ և 7-րդ կետերով նախատեսված ուսման վարձավճարի լրիվ կամ մասնակի փոխհատուցման հարցը Բուհ-ի կողմից կարող է քննարկվել միայն դիմորդի, ուսանողի, ուսանողի ծնողի, ուսանողի չափահաս և գործունակ ընտանիքի անդամի կամ օրինական ներկայացուցչի համապատասխան դիմումի հիման վրա:

14. Սույն կանոնակարգի 5-րդ, 6-րդ և 7-րդ կետերով նախատեսված ուսման վարձավճարի լրիվ կամ մասնակի փոխհատուցման վերաբերյալ դիմումներն ընդունվում են առկա ուսումնառության համակարգում սովորող ուսանողների դեպքում՝ յուրաքանչյուր կիսամյակի առաջին չորս շաբաթների ընթացքում:

Սույն կետում սահմանված ժամկետների ավարտից հետո ներկայացված ուսման վարձավճարի մասնակի փոխհատուցման վերաբերյալ դիմումները ենթակա չեն քննարկման:

15. Բուհ-ում ուսումնական տարին սկսելուն նախորդող և հաջորդող երկու շաբաթվա ընթացքում իրականացվում է փոխատեղում՝ ըստ մասնագիտությունների:

Փոխատեղման արդյունքում սույն կարգի 5-րդ կետի համաձայն անվճար համակարգում ընդգրկված, սակայն ընթացիկ ուսումնական տարվա արդյունքներով բարձր առաջադիմություն չցուցաբերած ուսանողներն ընդգրկվում են վճարովի համակարգ: (Սույն կետը կիրառվում է 2017-2018 ուսումնական տարվանից, հաշվի առնելով նախորդ ուսումնական տարվա առաջադիմության արդյունքները):

16. Սույն կանոնակարգի 5-րդ և 6-րդ կետերի համաձայն տրամադրվող ուսման վարձավճարի լրիվ փոխհատուցման իրավունքից հրաժարվելու վերաբերյալ դիմումներն ընդունվում են մինչև յուրաքանչյուր տարվա հուլիսի 1-ը:

17. Հարգելի պատճառով (ակադեմիական արձակուրդի, առողջական վիճակի, զինծառայության մեկնելու կամ ուսանողական փոխանակման ծրագրերով արտասահման ուսումնառության գործուղվելու կապակցությամբ, ինչպես նաև իր դիմումի համաձայն) ուսումնառությունն ընդհատած ուսանողը ուսանողական իրավունքները վերականգնելիս պահպանում է նախկինում ունեցած ուսանողական նպաստ ստանալու իրավունքը:

Ուսանողական նպաստի ձևով ուսման վարձավճարի լրիվ փոխհատուցման իրավունքից օգտվող ուսանողի կողմից հարգելի պատճառով ուսումնառությունն ընդհատելու դեպքում ազատված ուսանողական նպաստը նույն կուրսում տվյալ ուսումնական տարում չի օգտագործվում և հետագայում ավելացվում է այն կուրսի տվյալ ուսումնական տարվա ուսանողական նպաստներին որտեղ ուսանողը վերականգնում է իր ուսանողական իրավունքները:

18. Փոխատեղման ժամանակ առաջադիմության արդյունքների հավասար միավորների դեպքում առաջնահերթությունը տրվում է՝

ա) պետական կրթական չափորոշիչով հաստատված ընդհանուր և հատուկ մասնագիտական առարկաներից առավել բարձր միավոր ստացած ուսանողներին.

բ) նախորդ տարում անվճար համակարգում սովորող ուսանողներին.

գ) քիչ բացակայություններ ունեցող ուսանողներին.

դ) սոցիալապես առավել անապահով վիճակում գտնվող ուսանողներին (համապատասխան փաստաթղթերի առկայության դեպքում).

ե) գինվորական ծառայությունից զորացրված ուսանողներին:

19. Բուհ-ի Ռեկտորի հրամանով ուսման վարձավճարի լրիվ փոխհատուցում ստացող ուսանողների հրամանագրումից հետո ուսանողների այլ ուսումնական հաստատություն կամ այլ ամբիոն փոխադրվելու, ինչպես նաև Բուհ-ից ազատվելու դեպքերում ազատված ուսանողական նպաստներն այլ ուսանողների չեն տրամադրվում:

20. Բուհ-ի Ռեկտորի հրամանում պարտադիր կարգով նշվում է ուսանողական նպաստի տրամադրման ժամկետը տվյալ տարվա սեպտեմբերի 1-ից մինչև հաջորդ տարվա օգոստոսի 31-ը: